



Anna Wangenheim  
Demokratit sinnerlugit Inatsisartunut ilaasortaq

### § 37 naapertorlugu apeqqutip nr. 195/2021-p akineqarnera.

Asasara Anna Wangenheim

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinguuttumi issuarneqartunut akissuteqartinneqartunullu qujapput.

18-01-2022  
Suliap normua 2022 - 38  
All. nr. 18893096  
Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@nanoo.gl](mailto:pn@nanoo.gl)  
[www.naalakkersuisut.gl](http://www.naalakkersuisut.gl)

- 1. Naalakkersuisut pilersaaruteqarnerlutik nammineq kissaatiginngisaminnik meerartaarsinnaannginneq nappaatit akuerineqarnissaanik suliaqarnissaminnik, tamaattoqarneranilu periarfissaareersup saniatigut ikiorserneqarsinnaanngornissaannut pisinnaatitaaffeqalersitsinissaq?**

#### Akissut:

Naalakkersuisuniit Peqqinnissaqarfimmiillu nappaatit anniaataasutullu suussusersineqarsimasut ataasiakkaarlugit immikkoortillugit suliarineqarneq ajorput taamaattorli Naalagaaffiit Peqatigiit peqqinnissakkut suleqatigiiffianit nappaatit, soorlu (ICD-10) qulingat iluarsaanneqartoq nappaatit suussusersineqarsimasuni massakkut atorneqarpoq. Naak Peqqinnissaqarfimmiit Naalagaaffiit Peqatigiit peqqinnissakkut suleqatigiiffianit nappaatit suussusersineqartartut atorneqartaraluartut, Peqqinnissaqarfiup aningaasatigut sinaakkuteqartinneqarnera apeqqutaalluni politikkikkut tulleriarinerit ingerlanneqartarput. Tamatuma nassataraa Peqqinnissaqarfimmiit kikkunnut tamanut nappaatilinnut anniaatilinnullu pisortatigoortumik taaneqarsimasunik neqeroortoqarsinnaannginnera. Nappaatit anniaatilluuniit Naalagaaffiit Peqatigiit peqqinnissakkut suleqatigiiffianit suussusersineqarsimammata imaanngilaq Peqqinnissaqarfimmit automatisk-imik kikkunnut tamanut katsorsaanissamut neqeroortugineqarsinnaalartartut.

- 2. Naalakkersuisut misissuinissaminnik pilersaaruteqarnerlutik, Qallunaat Nunaannut IVF aamma ICD-mik 2019 sioqqullugu aappariit nammineq kissaatiginngisaminnik meerartaarsinnaanngitsut ikiorserneqariartortut qassiunerannik?**

#### Akissut:

Siusinnerusukku aappariit qanoq amerlatigisut Danmarkimi ikiorserneqarnissamut neqeroofigineqarsimanersut Naalakkersuisuniit misissuisitsisoqarnissaa pilersaarutigineqanngilaq.

2019-imi Rigshospitalimi Danmarkimiittumi IVF- aamma ICSI-imik neqerooruteqarnissamut taakkualu qaavatigut angalanermut ikiorserneqarnerullu

nalaani ineqarnermut aningaasartuutigiumaagassatut naatsorsuutigineqartut qulaajarneqarput. Tassunga atatillugu naatsorsuutigineqarpoq ikiorserneqartussat ukiumut 40-ut missaanniissasut akuerineqassappatalu kr.-it ima amerlatigissasut. ukiumut 6.000.000 kr.-upput. Peqqinnissaqarfimmiit katsorsartinneq, angalaneq ineqarnerlu akilerneqassappat tamanna naatsorsoruminaappoq, tamatumani qanoq amerlatigisut neqeroorut atussaneraat erseqqarinngimmat. Tamatuma saniatigut Kalaallit Peqqissartut illuani periarfissat eqqarsaatigisassaapput.

Rigshospitalimi Danmarkimiittuni IVF- aamma ICSI atorlugu ikiorsiinissamut Peqqinnissaqarfiup neqerooruteqarnissaanut piumasaqaatinik annertusaaniarluni nutaamik misissuititseqqiineq allanik ilisimasassanik nassaarfusinnaanngitsoq nalilerneqarpoq.

**a. Misissuinissap taamaattup allaffissornikkut, aningaasatigut inuiaqatigiinnullu sunniutissai suuppat?**

**Akissut:**

Misissuinissamut suliniutit fassa siusinnerusukkut nakorsiarsimasut pillugit allagaatinik misissuineq eqqaassanngikkaanni naliliivigineqanngilaq misissuisitsinerup kingunerluuteqarnissaa.

Peqqinnissaqarfimmiit ikiorsiinissamut neqeroorutit annertusineqassappata aningaasartuutaasartussatut naatsorsuutigineqartut apeqqut 2-mi akissummi takuneqarsinnaapput.

**3. Naalackersuisut pilersaaruteqarnerlutik IVF aamma ICD-mik ikiorsiinernut peqqinnissaqarfiup aningaasartuutigisassai matussusissallugit?**

**Akissut:**

IVF- aamma ICSI atorlugu ikiorsiinermi Rigshospitalimi akigitinneqartut DRG-mi (Diagnose Relaterede Grupper) akigitit atorlugit naatsorsorneqartarput. Danmarkimi Sundhedsdatastyrelse-mi (Peqqissuseq pillugu paasisutissanik aqutsisoqarfik) ukiumoortumik akigitinneqartut naatsorneqartarput. Tassunga atatillugu eqqaasinnaavarput IVF- imaluunniit ICSI atorlugu ataasiarluni ikiorsiineq 15.000 kr.-it missaannik akeqartoq. Taakkua qaavatigut angalanermut, nerisaqarnermut, nakorsaatinut angalanermilu ineqarnermut aningaasartuutit ilanngunneqassapput.

Siusinnerusukkut nammineq pisuussutiginaq meearartaarsinnaanngitsut ullut 10-iniit ullut 14-inut Danmarkimiittarput tamatumalu kingunerisarpaa arlaleriarlutik misilitseqqikiartorniartut angalasiaqartarput.

**a. Allaffissornikkut, aningaasatigut inuiaqatigiinnullu sunniutissai suuppat?**

**Akissut:**

Apeqqut 3-mut akissut takuuk.

**4. Naalackersuisut pilersaaruteqarnerlutik aappariit ikiorserneqartut aningaasartuutaat matussusissallugit?**

**Akissut:**

Nunanut allanut nammineq aallaruni ikiorsertinniartunut qanoq annertutigisumik aningaasartuutitaqartarnersoq Naalackersuisuniit ilisimaneqanngilaq. Ikiorsertinniartut aallartartut namminnerlutik aalajangigarissarmassuk misissuisitsisoqarnissaanut pilersaarusiornissaq pisariaqarsorinangilaq.

**a. Allaffissornikkut, aningaasatigut inuiaqatigiinnullu sunniutissai suuppat?**

**Akissut:**

Apeqqut 4-mut akissut takuuk.

**5. Naalackersuisut pilersaaruteqarnerlutik ersarissassallugu Kalaallit Nunaanni ikiorsiisarnissamut nukissat, atortutigut piginnaasatigullu qanoq inissisimanersut?**

**Akissut:**

Massakumuugallartoq Naalackersuisuniit tamatumingna misissuisitsisoqarnissaanik pilersaarutiginengilaq.

Ilisimatitsissutiginnaavarput Peqqinnissaqarfiup tungaaniit immikkut ittumik IVF-imaluunniit ICSI atorlugit ikiorsiinermit suliaqartoqartaranilu misilittagaqartoqanngitsaq. Taakkua qaavatigut Peqqinnissaqarfimmiit atortorissaarutit pisariaqartut pigineqanngillat aamma tassuuna ikorsiiniarnermi neqeroorusiortoqarnissaanut suliaqartoqarneq ajorpoq.

IVF- atorlugu ikiorsiisarnissaq Nunatsinni Peqqinnissaqarfimmi atulersinneqalissagaluarpaa aaviisarfimmi (laboratorie-ni) atortorissaarutinut atornerqartartunut ataasiartumik aningaasartuuteqartarneq pilissagaluarpoo. Tamanna ilutigalugu qituisoqarfimmi aaviisarfimmi annertunerulernissaa pisariaqassagaluarpoo. Tamatumani saniatigut ilusiisarfik/ilusiortinniartunut nakorsiartarfik nutarterneqartariaqassappat aningaasartuutit malinnaasariaqassappat.

Dronning Ingrid-ip Napparsimavissuanut ilusiinermik isumaginnittussanik sulisussanik pissarsiortoqartariaqassaaq taakkununga ilaallutik immikkut ilisimasalik nakorsaq meerartaarsinnaanngitsunut ikiorsiinermit suliaqartartussaq aamma immikkut allat allatsimut laboratoriamilu (aavissarfimmi) sulisoq immikkut ilisimasalinnut aningaasartuutit. Taakkualu qaavatigut ikiorsiinermit atatillugu nakorsaasersuisoqarnissaanut aningaasartuutit ilanngunneqarnissaat pingaaruteqarput.

IVF- imaluunniit ICSI atorlugu Rigshospital-imi ikorsiiniarluni misiliinermit ataatsimut atornerqartartut 15.000 kr.-it missaanniippat. Naatsorsuutigisariaqarpoq aappariinnut misiliinerit amerlassusissaat marluussasut pingasulluunniit tungaanut. Peqqinnissaqarfimmi pigineqanngitsunik Rigshospital-i annertuutit ingerlatsinermit arlalitsigut siuarsimaneruvoq. Taamaammat Nunatsinni IVF- ICSI atorlugu ikiorsiinermit atatillugu aningaasartuutaasinnaasut Rigshospitalimi atornerqartartunit amerlanerusinnaasut naatsorsuutigisariaqarpoq.

IVF atorlugu ikiorsertinnerup kingunerluutigisinnaasaanik soorlu mannissaqarfii sunnerneqarpallaarunik, siusippallaamik ernisoornermut aamma alliatorniarnermikkut kingusissunik meerartaarnermit atatillugu uninngassutaasartunik malitseqartoqarsinnaanera eqqumaffigisariaqarpoq. Aningaasartuutit amerlanerusinnaammata erninermit erninersiuteqartitsinerimulluunniit atatillugu taamaammat naatsorsuutigisariaqarpoq. Naggasiullugu ilanngukkusuppara Nuummi Nakorsiartunut Akunnittarfimmi inissaqartitsiniarneq unamminareeqisoq sulii unamminarneruleqqittussaammat.

**a. Allaffissornikkut, aningaasatigut inuiaqatigiinnullu sunniutissai suuppat?**

**Akissut:**

Tamatumunnga tunngatillugu apeqquut naammaginatumik akineqassappat annerusumik misissuisitsisoqarnissaa pisariaqassaaq. Apeqquut 5-imi qulaani naatsorsuutigisamik kingunerluutaasinnaasut pillugit akissutigineqartoq takuuk.

**6. Naalackersuisut peqquneqarput nassuiaaqullugit kalaallit peqqissartut illuanni piginnaasatigut inissisimaneq, ineriartornerlu inissatigut sulisutigullu amerlassusiliineq ukiuni ukunani: 2014, 2015, 2016, 2017, 2018, 2019, 2020 aammalu 2021? Akissutit skemanngorlugit perusuppakka.**

**Akissut:**

Kalaallit Peqqissartut Illuat ataasiakkaanik 38-nik ineeraateqarpoq, marluuttariat 15-it inissiallu sisamat. Inissiani ataasiuttarianik marlunnik siniffeqarpoq aamma isersimaartarfeqarpoq sofaqarpoq siniffingortartoq kiisalu iggaveqarpoq. Nalinginnaasumik ineqartartut tassaapput meeqqat 1-2 inersimasullu marluk. Taamaasilluni katillugit KPI (DGP) 84-inik siniffiteqarpoq.

Ineeqqat marluuttariat ataasiuttariatut angitigiinnarput taamaattorli inissaqartitsiniarneq pitsanngorsarniarlugu marluuttariaasussanngorlugit aaqqissuussaapput. Ineeqqat ataasiuttakkat tallimat siullit 2018-imi marluuttarianngortinneqaaqqaarput sinnerilu qulit 2019-imi marluuttarianngortinneqarput. COVID-19-ip nalaani ineeqqat marluuttariat ataasiuttagaatinneqarput tunillaassuunnerup minnerpaaffissaminiitinneqarniassammat. Ilaanneeriarluni KPI (Kalaallit Peqqissartut Illuanni) inissaqartitsineq qaangerneqarsinnaasarpoq taamaammat nakorsiatut ilaat akunnittarfinnut inissinneqartarput.

KPI-mi (Kalaallit Peqqissartut Illuat) massakkumuugallartoq ineeqqanik amerlisaanissamat periarfissaqannginneranut pissutaapput ineeqqat, nerisarfiit isersimaartarfiit il.il. amerlanerusunik isersimasoqarsinnaannginneri.

Ilisimatitsissutigisinnaavarput Peqqinnissaqarfiup tungaaniit atorfiit amerlassusaat isumaginngimmagit, kisianni akissarsiat tamakkiisut isumagalugit. Ukiuni pineqartuni sulisunut akissarsiaritinneqartunut atorneqartartut Aningaasanut inatsisissatut siunnersuummiittut innersuussutigineqarput (Aningaasanut inatsisissatut siunnersuummi konto 34.11.04 Kalaallit Peqqissartut Illuannut tunngasoq).

Nakorsiatut Kalaallit Peqqissartut Illuani unnuisartut 2016-imiit 2021-ip tungaanut amerlassusaat ataani takussutissamiippat. Ajoraluartumik piffissami tassani, tassa nukinnik annertunerusumik atuisariaqalernermik kinguneqarsinnaammat kisitsisit tamakkiisut perusutaraluagut pissarsiariniarnissaat periarfissaasimangilaq.

Ukioq	Unnuisartut amerlassusii (nakorsiatut Kalaallit Peqqissartut Illuaniittat)	Unnuisartut amerlassusaat (qanigisaasut Kalaallit Peqqissartut Illuaniittunut)	Unnuisartut amerlassusaat (nakorsiatut akunnittarfiimiittat)
2016	18.586	5.102	966
2017	19.950	6.993	1746
2018	21.311	8.601	1088
2019	21.204	9.159	1082
2020	19.503	5.831	1077

2021	17.746	Suli naatsorsorneqanngilaq.	Suli naatsorsorneqanngilaq.
------	--------	--------------------------------	--------------------------------

**7. Naalackersuisut pineqartumut allanik paasissutissiisinnaanerlutik?**

**Akissut:**

Naalackersuisut allanik ilanngussassaqaqanngillat.

Med venlig hilsen

Inussiarnersumik inuulluaqqusillunga



Mimi Karlsen